

2007 Rhif 2496 (Cy.215)

ANIFEILIAID, CYMRU

IECHYD ANIFEILIAID

Rheoliadau Milheintiau a Sgil-
gynhyrchion Anifeiliaid (Ffioedd)
(Cymru) 2007

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn, sy'n gymwys o ran Cymru, yn darparu i Weinidogion Cymru godi ffioedd am weithgareddau sy'n ofynnol o dan Reoliad y Comisiwn (EC) Rhif 1003/2005, Rheoliad (EC) Rhif 2160/2003 a Rheoliadau Sgil-gynhyrchion Anifeiliaid (Cymru) 2006. Rhestrir y gweithgareddau yn rheoliad 3(1).

Mae asesiad rheoliadol llawn o'r effaith a gaiff y Rheoliadau hyn wedi cael ei lunio ac mae wedi ei atodi i'r Memorandwm Esboniadol. Gellir cael copïau oddi wrth Lywodraeth Cynulliad Cymru, Parc Cathays, Caerdydd, CF10 3NQ.

2007 Rhif 2496 (Cy.215)

ANIFEILIAID, CYMRU

IECHYD ANIFEILIAID

**Rheoliadau Milheintiau a Sgil-
gynhyrchion Anifeiliaid (Ffioedd)
(Cymru) 2007**

Wedi'u gwneud 28 Awst 2007

*Wedi'u gosod gerbron Cynulliad Cenedlaethol
Cymru*

29
Awst2007

Yn dod I rym 24 Medi 2007

Mae Gweinidogion Cymru drwy arfer y pwerau a roddwyd gan adran 56(1) a (2) o Ddeddf Cyllid 1973(1) ac a freiniwyd bellach ynddynt gan adran 59(5) o Ddeddf Llywodraeth Cymru 2006, a chyda chydysniad y Trysorlys, yn gwneud y Rheoliadau a ganlyn.

Enwi, cymhwyso a chychwyn

1.—(1) Enw'r Rheoliadau hyn yw Rheoliadau Milheintiau a Sgil-gynhyrchion Anifeiliaid (Ffioedd) (Cymru) 2007.

(2) Mae'r Rheoliadau hyn yn gymwys o ran Cymru.

(3) Daw'r Rheoliadau hyn i rym ar 24 Medi 2007.

Dehongli

2. Yn y Rheoliadau hyn—

ystyr “y Rheoliad Ewropeaidd” (“*the European Regulation*”) yw Rheoliad (EC) Rhif 2160/2003 Senedd Ewrop a'r Cyngor ar reoli salmonela ac

(1) 1973 p.51.

asiantau milheintiol penodedig eraill sy'n ymledu drwy fwyd (1);

ystyr “Rheoliadau 2006” (“*the 2006 Regulations*”) yw Rheoliadau Sgil-gynhyrchion Anifeiliaid (Cymru) 2006(2);

ystyr “samplau rheoli swyddogol” (“*official control samples*”) yw samplau sydd wedi'u cymryd o dan bwynt 2.1.2.2 o'r Atodlen i Reoliad y Comisiwn (EC) Rhif 1003/2005 sy'n gweithredu Rheoliad (EC) Rhif 2160/2003 o ran targed Cymunedol ar gyfer gostwng nifer yr achosion o seroteipiau salmonela penodol mewn heidiau bridio o *Gallus gallus* ac yn diwygio Rheoliad (EC) Rhif 2160/2003(3).

Ffioedd

3.—(1) Caiff Gweinidogion Cymru godi unrhyw ffioedd a fydd yn eu barn hwy yn eu galluogi i dalu unrhyw dreuliau rhesymol yr ânt iddynt wrth iddynt gyflawni'r gweithgareddau a ganlyn—

- (a) cymryd neu oruchwylio cymryd samplau rheoli swyddogol;
- (b) archwilio samplau rheoli swyddogol;
- (c) prosesu cais am gymeradwyo labordy o dan reoliad 21 o Reoliadau 2006 neu Erthygl 12 o'r Rheoliad Ewropeaidd;
- (ch) prosesu dogfennaeth y gymeradwyaeth yn dilyn cais y cyfeirir ato yn is-baragraff (c);
- (d) prosesu cais adnewyddu blynyddol o labordy a gymeradwyir o dan reoliad 21 o Reoliadau 2006 neu Erthygl 12 o Reoliad Senedd Ewrop;
- (dd) archwilio labordy at ddiben rheoliad 21 o Reoliadau 2006 neu Erthygl 12 o'r Rheoliad Ewropeaidd;
- (e) gweinyddu prawf rheoli ansawdd o dan reoliad 21 o Reoliadau 2006 neu Erthygl 12 o'r Rheoliad Ewropeaidd.

(2) Mae ffioedd yn daladwy i Weinidogion Cymru gan —

- (a) y person sydd â gofal daliad pan fo samplau rheoli swyddogol yn cael eu cymryd o ran y gweithgareddau ym mharagraff 2(a) a (b); a
- (b) gweithredydd y labordy o ran y gweithgareddau ym mharagraff (2)(c) i (g).

(1) OJ Rhif L325, 12.12.2003, p.1, fel y'i diwygiwyd ddiwethaf gan Reoliad y Cyngor (EC) Rhif 1791/2006 dyddiedig 20 Tachwedd 2006.

(2) O.S. 2006/1293 (Cy.127).

(3) OJ Rhif L 170, 1.7.2005, t.12.

Elin Jones

Y Gweinidog dros Faterion Gwledig, un o
Weinidogion Cymru

28 Awst 2007